

箕

谷

詩

鈔

簞谷詩鈔卷六

海昌查揆梅史著

錄別二首呈周松靄吳兔床兩先生

襤被衝寒越燕同，  
鴛篷遙泝甬江東。  
頻年作客囊仍澀，  
一路看山句或工。  
不盡離愁春草外，  
無聊酒斲雨聲中。  
臨歧欲別逡巡久，  
已見銅烏嘯順風。

桐扣村西雁鶩呼，  
鐵幢浦口莽春蕪。  
羸驂欲騁求新榭，  
舞袖須長艷彼姝。  
挾瑟齊門才不逮，  
上書光範計仍迂。  
此行飽啖江珧柱，  
可抵紅綾餅味無。

赤壁庵

一徑裊深碧，  
憑欄望眼開。  
峽中無月到，  
樹外有江來。  
花底聞

輕磬齋厨出綠醅明朝剡谿曲向夕首重回

嘉慶三年戊午秦小峴師建蘇文忠公祠於孤山之麓  
以十二月十九日率同人酌酒祠下公降日也爰係長  
句誌之

醜酒莫酌秋菊泉薦豆莫炙花豬肉先生不使杭人錢自有  
湖光與山淥小峴觀察今坡翁尙友直欲追元豐去年築祠  
祀淮海碑版照耀留花宮今者拓地方百弓水僊祠畔孤山  
東江湖生兮江雨黑懷佳人兮來偃息翩然白鶴橫空來羽  
衣仿佛黃樓側往者牧守歷十州徐黃汝頴多清游浙西山  
水看不盡推排不去三年留風船拍浮波千頃何似把竿釣  
清頴思聰彈琴蜜殊曲參寥榆火烹新茗葑雲卷盡捐漁租

道衣來往一事無千年何處尋行跡猶有野鶻盤浮圖曾聞  
載酒堂雅有濯勞會瓊州廉訪周伯琦隸字炳然照海外況  
此西湖公所就此間可無桃榔庵不師趙從善不學周宗建  
梅花遠廬邵武紅吳姬三更酣春風襄陽抹猪同州羔松江  
鱸膾吳興庖官貧今日那有此庶幾槐芽漉冷淘乘風歸來  
路飄忽杳杳天低沒秋鶻誰招萬里儋耳魂來醉此夜峨眉  
月

閱柳敬亭傳

春水秦淮展簾紋幅巾東下楚江分誰教跋扈韓霜露解識  
滄桑汪水雲南渡兵戈方擾擾中朝冠蓋總紛紛憑將天寶  
年間事博得侯門一夕醺

少日

少日如春不當春  
中年人似過春分  
吹圓璧月三更笛  
夢破紅梨一片雲  
越燕南來花寂寂  
鄞江東去水沄沄  
拚將百琲明珠子  
醉倒金泥簇蝶裙

蘇堤新柳

玉剪飛飛破嫩烟  
二分黃到夕陽邊  
搗來明月吹簫地  
漸近金鈴放鴿天  
暮雨那堪過燕九  
春愁渾欲上秋千  
十三樓外相逢處  
底爲輕寒未著縣

明月吹簫見  
曹妙清詩

留別二首

搗鼓江干去未曾  
酒邊別思已騰騰  
明朝伍相祠前過  
看我吹簫渡固陵

異縣迢迢問起居  
元瑜書札竟何如  
甬江三月桃花水  
應有隨潮石首魚

西陵曉渡

江潮未東上江月已西  
落溷留城下爭渡喧羅刹  
磯頭波浪惡  
檣烏嘯風津鼓鳴  
客子挂帆何處行  
二月春水生  
三月春波綠  
越女顏如花  
高歌渭城曲  
長艚大舸疾於馬  
高浪壓帆帆在下  
漁浦蒼然浮玉初  
洗遠人如豆  
遠樹如薺  
昔日浪花今平沙  
到岸腳踏雙牛車  
牛車旬牯牛牽水牯  
當官不論錢  
客子行坐青竹筏  
呀呀軋軋卻復前  
沙中一回首  
雉堞墮寒霧  
還將故鄉思  
挂在西陵樹  
春風不到空江中  
江中春寒愁煞儂  
鮠魚初肥柳花未白  
江天日暮奈此孤客  
江潮平江

月黑江南人望江北

牛車謠

車刳芻牛躑躅前蹶未起後蹄續瘦骨撐空面如鵠一車輪  
雙鳥犍丞相不問牛何言東村西村牛犁田犁田價值錢十  
千爾牛何爲沙中眠朝行空江南暮行空江北車底有泥食  
不得當官濟貧民何敢辭轍軻貧民沙中行官差車上坐官  
差箠牛如箠馬烏來啄瘡烏遍野爾牛良苦辛僕僕亦奚爲  
君不見百里奚不如五羖皮

蕭山舟次雜述三首

江北雨冥冥江南日烈烈一江樹陰晴天豈限吳越吾身於  
役勞塵土鑠肌骨遵途馭每迂反徑輒頻脫山川信清美鄉

夢屢飄忽錄錄三十年何以慰明發

病橘不踰淮踰淮化爲枳雄狐尾綬綬徘徊河之浚今我命  
僕夫行邁從此始瓠落塵埃中仰見日車駛緬懷許司徒媿  
彼巖居士夜駐蕭然山篁響警兩耳飄風從南來負耒者誰  
子行路信云難何爲射蓬矢

津吏橫索錢篙師苦論價越語不慣聞况復雜嘲罵頗賴僕  
夫勞槩以溫辭謝箬篷祇三扇兩扇漏如瀉破帆百衲成東  
西自擺亞長年乃聾頑有舵不能駕執爨枯蘆中青烟透篷  
罅同行各異縣慰子復行炙謂客到甬東兩潮裝可卸此身  
如桔槔歷落何時暇

浣紗谿二首



漫說雙鸞並三年吳苑行如何五湖權不憶鄭修明  
采葛餘香在山花夜覆汀浣紗谿畔水不似語兒涇

夜過南鎮

暮靄蒼茫杖底開側身何處是蓬萊星辰倒影穿江出風雨  
如濤擁日來岑草已迷虞氏冢啼鳥還上越王臺齋壇此夕  
懷鄉甚萬里滄波首重回

越中詠古

勾踐昔日破吳返美人顏色嬌如花西施一朝還若耶肯令  
織手重浣紗卽其殺文種何異吳夫差屬鏤飛逐浙江去怒  
濤忽又轟雷車鴟夷久已識此意不欲妖豨生龍蠅珊瑚有  
網覓不得五湖一葉天之涯智士事君會有術儒生議論徒

紛拏後來不解韓擒虎眚并千秋怨麗華

謁劉念臺先生祠

洛下銅駝泣吳天白雁飛子身存漢臘九死謝朝緋少日方  
通籍中年早見幾乍辭元祐黨去訪富春磯訓注機難密曆  
滂願總違寺人投有昊魏闕入斜暉搏擊憂高鳥蒼黃見突  
豨甘泉通燧火赤縣動驂駢已失關河險空將晉鄭依上書  
黃閣閉解組白雲微將隱文焉用懷憂腹敢誹剡川金鮒膩  
蘭渚玉芝肥未遂攀髯意寧安相鼠譏俄傳喧鼓角忽已徧  
郊圻雕健羣狐竄笳哀百卉腓顧榮揮羽扇江總儼朝衣降  
表僉名入孤軍棄甲歸浙潮遲信宿江月破重圍浪折瀟留  
弩城飄姑菽旂鄼侯收冊籍望帝罷獻歛此日生何益孤臣

死預祈潞琴調變徵魯道歎周饑鶴相堯年在糧悲禹代非  
爲歌朱鳥味不食首陽薇講學懷先哲探幽失舊扉  
鼓山陰  
鬢鬣零雨晚浚激越絕書愁讀明州事可噫春風吹宿草碧  
血尙依稀

遶門山

我度越城背有如弓屈曲水高不懸岸蒼然鋪碧玉二月  
雉鳴麥秀麗以縵隔浦望輕輪濛入平疇綠弭權正夷猶一  
峯忽來觸草木失附麗乾坤入雕琢金鷄不敢下有雨無朝  
旭相逼氣凜凜吾身覺局促崖下屋數椽居人瘦如鵠時於  
叢篠間丁丁聞斧鬪

茅洋

好山不易看得看亦由命我自渡江來水寒脾先病顧此岬  
嶮姿始覺筋骨勁玲瓏琢春妍曉削出天性驚湍雖瀕洞中  
流一帆正甘言慰童僕膽弱語還硬須臾霽色鮮光景愈明  
淨舟行逐坡轉向背勢不定夕陽下桃花花底逗輕磬卻泊  
雙堠傍瓦盆不辭罄

雨中坐獨輪車至曹娥江

江聲響我聾江月照人豔曹娥春已深秋氣猶未斂烟雨滄  
平楚何處覓翠澈俄投一葉舟晃如魚動鑑電影忽飛來暝  
色破激灩連日走征途泥滓脚屢陷同行五六人笠屐我獨  
欠牟牟獨輪車行行望江塹鳳凰昂首鳴金雞頗驕僭對峙  
角兩雄高冠佩長劍鳳兮方苦饑意氣頗滯淹太息登前途

孤鳧行共汎

鳳凰金雞二山在上虞界

餘姚謁王文成公祠

正德方多事，彌縫繼魯叟。時危人間出，江迥海同流。絕學承  
洙泗，勛名曜斗牛。漫勞分洛蜀，直似撼蜉蝣。何事淮南子，居  
然曲沃侯。賈生方被謫，嚴助已行賅。零雨三年恨，妖星七國  
憂。鄱湖翻燕雀，章貢叫鴝鵒。饑虎初離窟，神鷹亦脫鞴。馮唐  
能任使，魏尚解綢繆。壁壘操全勢，江淮扼上游。石磯曾有讖，  
江界孰同仇。徐盛當京口，曹彬下蔣州。何勞分節鉞，依舊詠  
共球。祇益蛾眉妬，憑誰燕領酬。子房思去漢，承業乃安劉。此  
日探遺像，輕鷗送客舟。禹陵歆石虎，舜水躍潛虯。聞世才難  
得，憂時客並愁。欃槍明楚蜀，烽燧罷耒耜。宣室求賢日，陳東

伏闕秋何能挹河漢一爲洗戈矛

姚江舟次

夕陽曖曖波微紅青山亂插魚窠中圓萍吹破江見底一枝  
柔艣搖空濛船尾二月開天桃船頭仰卧青天高是時春空  
正新霽娉婷綠上舟人篙舟椒一抹烟光潤眉痕彷彿猶齟  
齬登程幾日浪高閣偶欲流連風轉順方丈突兀撐紫霄龍  
泉羅壁爭翔翽陰陽捍闔互明晦氣厚故足生人豪羣峯浦  
口出復沒一塢白雲一塢月江風捲月月倒行山月觸雲雲  
亂生孤舟不知春水平夜陰忽作秋蟲鳴

題華司馬秋槎北山旅舍圖

廉頗猶強飯丁儀方弄兵使君獨暇豫河上望神明才大難

爲用吟豪不易賡著書三竺妙遺絃一鷗輕選樹支茶竈移  
床設石枰樵蘇爭識面猿鳥競知名瀟灑西冷鶴麤豪左相  
鯨交游多落拓意氣近幽并任俠黃金盡高歌白髮生未成  
申伯翰且饜亥唐羹昔在陳遵坐曾叨許劭評簡從牛背挾  
錢向豹皮傾幽徑羊求迹清謳惠度聲往來俱澹蕩頭角各  
崢嶸畫手倪黃在揮毫粉墨呈蟻陂縈磬碩鹿柴掩茅荆慷  
慨盱時事艱虞動隱情舊游江海上海上薄宦篠驂迎父老留侯  
霸兒童認李瓊探丸氛祲盛倚嘯海天清蜃氣江光暝狐鳴  
島雨晴樓船楊僕下旌旆祭彤行矢石隨潮集沙洲聚米成  
掃除谿域淨談笑蛋人驚何事辭熊隼經年聽蟀鷓殷勤懸  
魏闕滌倒作吳儉雅集存圖繪何心問寵榮期君溟渤外彈

劍話生平

慈湖晚步

幽行不憚遠徘徊及日晏春禽悄無聲有人語山澗

花朝坐雨

春陰如墨酒頻賒垂柳輕黃未放衙無奈畫簾微雨後只宜  
乳燕不宜花

贈蔣二松

蔣侯長身顏微頰南游宋汴北燕雲陸機二十卽入洛賈生  
少年論過秦放衙老馬猶迷路鍛翮饑鷹暫附人我初逢君  
來慈谿一雙不借相提攜藥苗破塊夏畦綠江潮齧岸沙田  
低鬼車嘯夜雜風雨牡蠣壓市兼塗泥山行與子蛩負屨鬚



眉冷浸青玻璃此時無酒輒愁絕有如稻蟹負空臍自從蘿  
逕掩深碧縣官不許穿游屐眼前旅燕且同龜門外青山皆  
逐客十日不支錢一千萊蕪甌底寒無烟袁安且少支頭瓢  
況有紅裙來踏筵舉頭向人眼微白低頭讀書鼻著墨額下  
鬢鬢髭不多頂上濯濯髮漸皤一奴旁侍疥駱駝瘡痂欲脫  
頻手摩頭顱老大要自立君年四十我三十不知再閱十年  
過謝公憂憤當如何秋風昨夜吹庭柯田家瓦盆亦可醉適  
意何必金叵羅

答內子二首

江鄉四月好村居雪繭紅蠶上箔初憐爾頻年茅屋底綠雲  
如雨寫家書

縣門山色遶雲窩藥草村村碧似莎客況雖貧風土美不曾  
愁損寶連波

丙子之冬予留滯西湖臘月三日偕華大春濤小飲孤  
山之麓暮寒微雪游舫盡散三百頃玻璃祇照我兩人  
清飲也明日子歸海昌春濤旋亦北游別三年矣比聞  
將出都門振觸賦此

惠勤院裏嘗茶日和靖林邊貰酒村山淥可餐湖可飲梅花  
爲骨月爲魂蓼蟲戀苦仍南食代馬思寒自北轅歸向沙鷗  
尋舊夢搖天烟柳掃新痕

宋丈茗香游黃山卻寄

前年去尋桐栢宮瓊臺紫凝高濛濛啟鑲玉女掩口笑仙龐

伏客桃花紅歸來高卧超山中睚盱兩眼成方瞳古梅百本  
南宋植椀大苔錢如鐵黑譚經說史無不有畫地指天記誰  
某飲量何妨渴若虹詩膽要須大於斗入亦不與妻孥謀出  
亦不管奴僕愁一雙葛屨踏塵土兩肩瘦骨撐清秋四月辭  
塘樓五月上天都健步不惜千金軀國子先生無乃迂水風  
激激吹眉鬚冬雪不癯春不腴青山爲骨雲爲膚初尋慈光  
寺十步九呻吟或憇文殊院坐雨蒼苔深山果滿口喫山花  
隨手簪奚廷珪墨圓如月李少微視滑勝笏題詩更試穀雨  
茶崖氣香酣含笋蕨陂陀牢落而崢嶸海馬躡捷以措撐清  
涼臺上觀鋪海不與朧胸晦朔同虛盈如絲如絮如飛翼如  
蛇如鳥如奔鯨曳之如練波折生吹之如穀熨貼平天風非

竿非鈴筓鬢鬢柔櫛空中行容成老子抗手迎子今何不歸  
柴荆蓮花已枯藕如臂白雀毳落堆成坑道家日月真風霆  
不如酒徒一醉三千齡昔者到天台白髮羞見桃花開今者  
到黃山蒼顏又輸松紋斑少年老年安足道只有青山顏色  
好君今少坐且莫回珠簾裏處仙鬢來

鍾參軍餉荔支

荔支消息到江南十八妖鬟味乍諳  
姪女摘來疑擲果倭盤  
擎出勝傳柑春紅合倩麻姑擘  
雪艷惟宜樊素含解得相如  
消渴疾宋香陳紫一生耽

清道觀夜歸

蒼蘚路高高禪扉不知處  
有客尋泉聲轉入松林去

寄家上舍都中

法源寺裏春溟濛，海棠垂絲拖嫣紅。城南房山鼠姑好，少年  
連騎如游蜂。春光縱好非江南，書來謂予方春酣。豈知吹笛  
花如雪，江南之人亦離別。四明環海天無涯，青山好處堪成  
家。女媧搏土直游戲，隨手聚散猶團沙。軟塵三千里，愁思一  
萬丈。戚姬臺畔年復年，別來春草如人長。茅容有老母，垂白  
已七十。阿同雖讀書，尙不解拱揖。爾去何遲遲，爾歸應汲汲。  
屋上烏尾畢，逋游子不歸來。烏飛啄春蕪，春蕪綠到天涯住。  
子亦迢迢從此去，朝爲莊舄吟，夕上越人榜。魚市殘陽背水  
多，蛤田春雨隨潮上。年光易逐花枝空，人生幾別成老翁。丁  
寧善保千金軀，要如麻植蓬蒿中。獻賦或逢楊狗監，依人莫

問趙桃弓

過二松齋頭

世事吾何有官齋儘索居黃花如我瘦秋燕與人疎剪樹通  
幽徑分疏到佛廬前楹聊共賞買醉小華胥

出北郭循石刺嶺至法喜庵

四明已南奔一折復東走洶洶爭北門如塞井陘口重湖扼  
其前孤城壓其後鏡影涵空濛巒勢夾左右坡迴獨樹圓徑  
絕一崖陡鳥毳落如花衆淥含似酒頗覺秋氣遲良由土脈  
厚巖扃占空坳人家纔八九初聞耒板響忽引蒲牢吼石泉  
酪奴供經幢梵嫂守眷茲離垢園夕陽上沙阜

慈谿旅舍漫成

會稽太守樵采歸五十作郡當非遲楚邱先生年七十披裘  
帶索猶爾爲後來遇合邨可知盛顏安用悲漣沍豈無孫陽  
善相馬莫作蒙叟愁爲犧所嗟頭顱漸老大仰面長領他人  
頤踰淮之橘欲化枳當風之蚊誰憐夔一身倭僿走塵土百  
金邨救八口饑句章城頭吹暮角錢塘江上鳴流澌鄉心已  
似風翻舉欲與鵬翼歸東陲有妻有妻傳蠶室有客有客朱  
桃椎園丁百本庾郎韭雪甲五畝何點葵寒潮日夕西北去  
吾身未返滄江涯君不見荊州街子葛清勇雕青不讓長安  
兒襤衫屠蘇掩口笑腳踏赤電橫空馳又不見蘄王老兵善  
迴易醉倒往往遭鞭笞一朝乞錢十萬貫東浮員嶠西崦嵫  
書生齷齪自無用吹簫行乞將安之菜把聊貽顧主簿窮途

休問鄭當時

懷吳中舊游與馮大四首

紅兒二八好腰身  
拚得明珠買早春  
記否銷魂樓角月  
花枝低似比肩人

短簿祠邊一笑扶  
紅牙按出鳳將雛  
多情最是吳孃艣  
搖得春愁入太湖

爲底眉間太恨生  
仙厖吠客嬾相迎  
夕陽已轉闌干角  
尙向花陰獨自行

無端去上越人橈  
綠蠟紅柑趁晚潮  
今日鄂君成悵望  
甬江東上雨瀟瀟

再寄家上舍



宣武門東久客居扁舟剡曲更憐予似聞徐邈仍中酒休遣  
何蕃遽上書三輔霜高遼海雁四明秋老甬江魚五侯鯖味  
嘗應遍何似田園雪後菹

答陸大

鄉思無端醉後牽南鄰朱老定相憐數間住有盧仝屋五畝  
耕無冀缺田皂莢橋頭春水舫菖蒲港口夕陽天歸來笑向  
餘杭姥垂橐仍無賣賦錢

秋思二首

海上餘氛夕未收征人多望大頭刀炎洲伏雨桄榔夜越國  
清霜橘柚秋孤島已懸魚鳥陣空灘應見舳舻侯須知鼓角  
從天下馬蹟山荒草木愁

京華翹首極蒼茫，含譽星連輦道傍。  
天馬不煩通絕域，碧雞兼罷獵陳倉。  
中書門下春如海，御史臺端夜有霜。  
聞道橋山工未寢，祝釐停進九霞觴。

寄內

年少依然鄴杜豪，夜深惟見酒星高。  
狂啜割肉東方朔，寒想分衣左伯桃。  
玉虎牽絲虛汲井，文狸將子上花糕。  
秋風又是經年別，幼婦江頭首重搔。

歸舟口號

朔風獵獵布颿斜，夜發慈谿向若耶。  
明月來窺應失笑，半船書卷半梅花。

正月十七日大雪初霽妙果山看竹

西鄰喚得博簷徒東街去尋殺狗屠入門先問有酒無青山  
更校梅花腴吾身亦似臞仙癯入春五日雪五尺老翁百歲  
見亦殊側聞仁政及遺骼詎有凍死喧鶯鳥我今無田復非  
吏旱潦何慮今年租空山去聽折竹響梅沙彌在應我俱闌  
珊昨夜社火散放晴兒女祈針姑衝泥拍拍如飛鳧路滑正  
耍瑤姬扶似嫌人世有缺陷填平坑谷成坦衢琅玕萬箇曼  
寒玉凍澗鳴咽穿山厨扣扉祇見古佛笑笑我筠粉霑眉鬢  
歸來大息向鄰里春陽未放苗難蘇掉頭我且戴谿去紅衣  
畫我收江鱸

重往慈谿途次雜述四首

草蟲思君子零雨懷家人昨歸及歲晚祭竈兼請鄰解囊亦

何有聊以怡其親牆西蜀海棠憔悴將爲薪鼠姑手所植綠  
葉惟含顰微聞室中歎寒暑無完裙爲言所疾苦不復理典  
墳君看架上書日積奩間塵嚴寒當墜戶鼠穴聊爲熏緬維  
肯堂構微力彎千鈞朝來棧下馬又駕車粼粼

青天何蕩蕩下有兩酒徒東西隔谿住無酒輒相呼大兒釣  
魴鯉小兒蒸壺盧販脂與賣餅能來卽相於劉伶乃作達每  
攜畚鍤俱君謂拍浮忙此事姑徐徐況堪長物盡并鍤亦已  
無萍根吾浪游蓬藿子獨居剡谿阻江海無由致浮蛆貓頭  
方迸土果腹當何如

青蒼界吳楚江水東南流中有武昌丞騶唱登城樓撫袂洞  
庭野決背瀟湘秋意氣詎不足一官乃沉浮妻孥被拘繫華

屋爲山邱孤兒乞食返鄉里不見收長跪向主人一飯又焉  
求我非蕭穎士汝寧杜亮儔盛衰相遞嬗轉輾轂傳轉不見  
屠沽兒春風控紫騮

渡江夫何如微風吹鳥背烟中望固陵俄頃到水埭芳草綠  
向西獨與去帆背錢塘接東溟獨流走其內惟有曹娥江水  
色似染黛讀碑殊未暇松風想環珮一聽獨漉聲能使我心  
痲念我諸弟昆躬耕負耜耒

錢清鎮田橫祠

死洛陽生臨淄曷爲舛蠶乃在茲泗上亭長作天子頸血已  
濺燕南陲夔夔社鼓出城去招魂剪紙剡水湄廟中何有麗  
牲石雕題畫棋夫何爲冬儻春礫盛報賽巫史導以迎神詞

雲冥冥兮雷號號從以山鬼兼文狸其傍穿塚兩都尉彷彿  
鬣頽拳靈旗往聞德施於民勞定國能捍災患則祀之卽論  
彼以死勤事此事何與吳越兒苾芻爲言遺構久百有餘歲  
前難稽此時正丁明末造冬青有淚揮漣而潞藩魯邸俱寂  
寞滄洲何異孤島支燔燎及此蓋有故乃如買繡平原絲不  
然膠東距箕斗豈真赤鯁來叢祠行人敢笑木居士小儒臆  
斷良可啞尸鄉廐置杳何許蠻風海雨空中吹

丈亭泊潮

從此穿支港東來甬水分燈明雙堠火江吐半篙雲小市多  
漁戶荒洲有雁羣艣聲最悽絕迢遞未堪聞

二松以行草書與山僧易竹移植齋前隙地爲賦此詩

右軍黃庭祗換鵝蔣侯書成乃易竹一幅已得二十竿何惜  
日書三百軸蔣侯愛竹如愛書山僧護竹如護肉明年預擬  
開齋廚玉版槎枒撐爾腹雄竹捲空勢湖泮雌竹連蜺向風  
拜況有縣後之慈湖湖挾雨聲落高派籬根畦角曉潺湲瀉  
入虛堂總清快坡翁畫竹卽從草書得但看箕箒事已畢大  
波小磔風雨疾筆底縱橫竹枝出蕭蕭寥寥羣籟號靜綠如  
水圍週遭其旁枯木及壞石其物山鼯兼翎毛曩時看竹竹  
最奇無過江上之雲棲草書十年寫不盡至今胸次尙有萬  
箇青玻瓈胸中有竹不可賣眼中有畫不可挂卅年舊夢滿  
湖天饜頭放下逢君話

初食江鱸柱

頻年寄食東海隅口腹亦與因緣俱甬江春漲夜潮上有物  
沙上來响濡小桃萼放倉庚囀應侯入市輕千銖小珧大蜃  
見爾雅不數蠙臙兼鵬鳧端明愛較荔支肉走亦好事窺官  
厨剗腸破甲去腥沫圓丁肥白如花跗沸湯沃雪刀截肪絲  
以黃雞芼蒿蕪厨孃擎出百物賤到口始覺屨舌麤婢視紅  
虬奴綠蠟何論右末更左胸人情甘其所難獲矧復主客交  
相諛或言四明氣盤鬱水精孕育成膏腴我知其由尙能說  
秦時徐福眞狂奴童女三千去不返沙蟲物化良非誣不然  
厥狀殊渾沌那有玉雪生肌膚旁人失笑吾豈醉此詩味豈  
江瑤殊士龍嘖嘖稱鄞縣獨誇齋鰲何爲乎

普濟寺訪正上人三首



景祐殘碑蘚字肥  
闕公捨宅尙翬飛  
阿師養得雲如鶴  
朝上松梢夜守扉

薺花未老晚風和  
三版城根浸淥波  
閒煞故鄉文長老  
白鷗背上往來多

本分家風菜味香  
松聲吹得道衣涼  
朝來一鉢桃花水  
倒捲春湖入講堂

上巳後一日二松招飲竹下

玉壺買春觴此君竹  
猶未醉我已醺  
浮碧峯頭雲一片  
笑爾乃與鄰僧分舉酒  
屬客客盡賀客少還邀雲  
入坐雨肥風嫩  
颺不已一夜西窗竹梢大  
役物不爲物所役人爲其勞  
我獨逸待渠負鍤種成陰  
負手來看綠已活要知我眼  
卽君眼眼

中詎各物其物況堪破費費酒錢醉倒濃陰如雨潑竹聞此  
言聲颺颺不知何以酬君勞移床穩卧三百日坐看明年新  
笋高

春霽有懷湖上冶游寄華竹樓二首

飴簫吹暝段橋東一幅春湖寫未工朝載畫船宵載月不曾  
輕放綠波空

鬢影衣香逐隊行蘇公祠外柳絲晴更憐芳草如年少不畏  
春寒綠出城

薺菜

己無一稜可種蔬嬾惰況不持烟鋤齋厨不聞竈婢歎人或  
不足我有餘夕陽嫩綠卹用買衆所遺棄乃獨儲桃花粥香

杏飭白萍壘生脆萸蒿圻江南春雨土脈鬆薺花陂畔連天  
碧冷淘秘法陋割烹翠金漉出骨董羹吳鹽點雪蜀薑嫩兩  
腋亦有清風生今年雪後無凍菹登杵已覺雙眉舒只含野  
露畜靈液更分土沃滋膏腴物雖至賤天自貴造物于物無  
差殊崔瑗得菜良已足杜鵑勸人食糜肉豈知砧几謝壽怨  
皺面如僧睡亦熟萬人施此真樂饑豪薜荔來其庶幾誰家  
女兒踏青去踏窠滿地如苔肥

浮碧山晚望

春原無人烟曖曖勞哥相蒼東峯內破寺撐空送雨聲壞雲  
脫綠如萍塊一雙繭栗寢或訛短遂無腔過荒埭牧人卽是  
宰官身安得尺箠上牛背

由龍山清道觀循山麓看菜花憇北湖野寺

出城未半聞清鐘行人逐暖如游蠶卷空喬木出樓觀鄞江  
西北趨其東山腰左轉岡勢斷平畚百頃黃濛濛地媪亦作  
裂繒笑碎錦窳堵驕春紅清明寒雨漸搖落惟見青犢嬉晨  
風菜花盡處林烟浮樵歌傳響東峯頭翠屏無語上空綠朱  
甍縹緲誰家樓下有通潮之小澗吾欲坐此聽春鳩平林一  
束蒼崖住畧徇斜通又何處夕陽茅屋子鵝肥一竿驅入閒  
陂去寺樓西角雲光明不聞人聲聞水聲松梢已到北湖北  
鷗波含睇來相迎鄙人亦住龍山麓九十九峯來往熟永安  
湖田可種秔永安湖水可濯足張南周北劉中央往者卜鄰  
張與陸張今已死陸亦老歲月催人快擊轂何時歸卧石床

秋夜聽春濤如坼屋

寄陸大少白

不有白鷗誰戒道不有青山孰守廬西峯缺處吾子在繡詠  
乃與寒梅俱春風到樹雙鵲喜有似遠客歸徐徐十年讀書  
相礪砥驚馬一毛似驥耳布衾秫酒穩生涯笑子早飯具行  
李往者論詩卑若曹謂我輒中蓮花驍彈丸欲落箭柱直執  
手相視青天高竹房松火茶爐沸水國餘寒君起未定應夢  
我東海東誤墮天台紫霞氣衙齋兩月多淫霖無事祇畏鄉  
愁侵青梅著子漸肥大移床近窗眠綠陰

卽事與正上人

架上楞嚴手自抄紙窗當午竹風敲谿雲雨後嬾不去挂往

一枝新笋梢

北湖

獨速舞還歌尋幽日夕過牛腰雙笛掛蜂背一花馱崖抱圓  
留磬沙明淺讓莎房公千載後湖水閱人多

初夏

一餅頭網綠勝酷風爐活火乍鑽槐別開松舍留雲住小拓  
峯坳放月來坐雨傷春惟絳蠟論園買夏有青梅記曾芍藥  
紅三月鯉尾猩脣醉百回

寄都下故人二首

糺縵卿雲滿帝鄉銅街三月馬蹄忙太平饒吹歌朱鷺重  
譯蠻荒貢白狼通潞船歸書少達頻婆果熟客先嘗如何不

草凌雲賦潦倒徒分博士羊

胥母場邊棹屢呼尙隨秋賦効馳驅愁牽碧海珊瑚網看拆  
天吳紫鳳圖局上炎涼分黑白醉中文字決臬盧狂來笑索  
姮娥問明月前身是我無

齋居遣悶拉雜成詩語無詮次

西施一文錢百里五穀皮何如死馬骨乃值千朱提周人賤  
婦女扁鵲難名醫晉侯好淫哇師曠彈朱絲夜游不秉燭誰  
能辨妍媸兩年尺蠖屈雲中笑之而并蛛向海笑代馬迎寒  
嘶古賢擇地處此義今已衰奔車無仲尼覆舟無伯夷竹竿  
鮎魚上土牛獼猴騎客來相慰藉餅且居并眉飯飽日趁午  
春風譚孔姬如勸騎桑人何不食肉糜讀書涉世故百怪侵

肝脾安得燕昭塚華表照文狸行行逐秋駕驚駘啞黃驪含  
椒自辛苦此意當告誰

由北湖之東懸嶺不三里峽口峻阻林木昏翳行人出  
烟翠中若嬰投抱若鳥度空也下嶺至烏巖廟村落疎  
野多茶梅雜卉廟前大谿橫之會諸谿之水東去雨後  
暴漲觸石訇訇仰視喬木在峯頂多浥浥有水氣循谿  
復迤而南爲李家嶼嶼在嶺之東麓尋泉聲入綠竹嫵  
娟與山光相罨畫竹盡乃得瀑泉一股從人家屋底穿  
出湍激清駛谿女浣衣石上居民瓦屋鱗次男力田女  
織紵無井汲於澗而灌溉便焉市遠擷於圃而食味潔  
焉客至不問見輒避去來泉吾迎去泉吾送也聞林中



提壺聲求沾於野人不得遂歸飲於澄碧堂之故址二

首

旅游不得意例取翠巘償雲烟誘睽盼無事翻得忙重岡入  
舊底鐵鳳空中翔諸天聞梵唄遠籟咀宮商星星榭火明戢  
戢松毛香山僧類竹譏竄入蒼烟藏氣候變朱夏百舌猶圓  
吭嶺昏隱微徑草低見牛羊久厭蛙黽居遂勝如追亡豈其  
嗜鱸矣而必河之魴

忽聆采茶歌不見采茶女歌聲上邊雲去作澗西雨澗水已  
東往澗上猶笑語不知所語誰惟聞呼儂汝我行逐澗斜曲  
折入沙渚居人八九家荒遠無亞旅丁男捕蝗蝻中婦漚麻  
苧青山倒潭底潭影挂當戶鴛鴦與野鴨各自命儔侶笑問

浣衣人前溪更何處

詠鷗

慈湖中有小洲叢樹白鷗一雙家焉每日晚望碧山影裏墮  
空雪一片輒呼侶攜酒登後山之顛

雙宿夢初酣蘋花綠尙含一陂新漲水何物是江南

初夏卽興五首

五月江梅熟山陰瘴癘開未秋先損肺不雨自生苔溼病宜  
除酒徽寒待撥灰殊方久沉滯那遣剡舟迴

空有黔婁婦郵筒泝若耶愁多燈掩映腕弱字欹斜賞雨貓  
頭笋澆書免目茶開緘懷舊隱行矣踏槐花

鄉國去千里川原入夏初獨憐芳草歇况覺酒人疎契濶思

粉社牢騷送柳車戈船方下瀨應阻北來魚

時聞水師出哨

懷老吾宗彥歸與戎馬馳間關萬里遠名字五侯知落日燕

昭塚黃雲督亢陂家無次丁養白首苦低垂

不見髯也久風流舉世傾鬚眉餘酒氣談笑入松聲癭樹能  
支厦癡兒解滌鎗太平容汝隱溟渤老蒼生

送秦廉訪師入覲二首

記從畫省賦樓鸞宣室前頭問治安宮禁被呼才子易東南  
不負重臣難雲臺定奏文星入朝士爭抄疏草看卻望 裕  
陵金粟影感恩流涕問祠官

稽首 彤庭退食遲甌東妖蜃動堯咨樓船直欲煩楊僕蚶  
菜無勞奏孔殘海內文章同調少殿前肝膽九 重知做車

羸馬槐黃裹尙似先生未第時

吳丈兎牀招同亞白至邵灣時予初病起

青山不能來而我不能往徒令卧匡牀秋蟲如雨響云何意  
偃蹇不得自俯仰慨自槐黃初一夢墮塵埃竹竿何從從遽  
作鮎魚想蟄室烘唐花非時亦徒賞况復拘本性宜爾攫疴  
痒胡然小桐谿飛來兩輕槩伸眉纔一笑晚飯赴菰蔣病鶴  
在空山須以白雲養爲指永安湖嵐翠深十丈

獵獵枝梢蓬颼颼風掩燭匆匆觸楓根軋軋轉澗曲微微月  
射皦皦慄慄膚起粟我欲問前路水鷗睡正熟啟衾一延覽  
翠方淋漓始知昨夜來已抱青山宿疎鐘逗空林導我度巖  
谷噓翕峯半雲白龍入其腹行行古原野農事慶新穫一牛

集賢堂詩卷六  
三  
嬉棗陰鹽粟挂烟綠凡民有休息誰能長逐逐

買姬祇一身買花祇一春孰能買其一而有諸所欣翁來北  
湖上占斷湖之湄一弓據高原羣峯爭來馴譬彼韓姑歸諸  
娣從如雲婉孌百翠蛾爛其盈翁門況有閑風月不費錢一  
文往來梅花下拄杖鏗然聞趙岐漢儒者生壙何殷勤鐫名  
我未到息壤今猶存終當濡醉墨一洗蒼苔紋

艮山門與陳徵君鱸舟次夜話用吳七丈臯亭曉發韻  
時偕送秦廉訪移楚

孝廉吳榜穩留滯越吟清水埭舍烟合城陰閣雪明諸君惜  
知己吾道重蒼生明發多風雨愁聽畫角聲

吳七丈出示荆谿女史黃香冰書畫篋漫題三絕句

粉奩風貌本吳儂彷彿黃筌擅草蟲想得銅官湖雨後平莎  
微軟拒霜紅

七字吟成未易才驚鴻字趁墨光迴簪花畢竟何花似算遍  
春風祇玉梅

紈扇秋風畫得無芝泥小印押葫蘆誰知洗手羹湯後吟斷  
青谿有小姑

筵爲其嫂  
陳作也

送秦小峴廉訪師移任楚南

解服行春去谿蠻跳月多蒼生衡嶽雨遠道洞庭波太息敬  
容客空爲甯戚歌夫君渺天末湘水碧如何

祖帳修門後嗟余行路難舟從富春去山向栝蒼看樓下非  
長策蘆中況暮寒只應糖蟹議千里勸加餐

時將之  
甌東

昨蹋燕臺雪西南又使星碑尋五谿碧颿挂九疑青玉局應  
重到朱絃許共聽望湖樓下水嗚咽送湘舸

簞谷詩鈔卷七

海昌查揆梅史著

舉亭看梅憩撒沙夫人廟

客從烟中來，舫聲出花頂。花光白如月，照我顧無影。夫人撒沙處，舍舟得畦町。身雲遮旃檀，玉骨迄未冷。云何妙香國，鼻觀觸自醒。竹風一以笑，殘雪壓衣領。瓊田廣十雙，未可便乞請。中餅契方始，鈴鐸語尙永。顛當登首塗，帆飽弓在檝。晚飯赴修門，餘香吹獨迥。

正月十八夜錢唐江口阻風五更大雪揚帆之富陽

六和塔頂輪聲喧繞塔，三匝雲如磐。其下海壘畫，東北鷗沙捲。地何漫漫驚颺一決土，囊口拋碇中流日。已酉長年有膽



大於斗如佛據地作獅吼一剎那頃江波騰大魚跋尾踰如  
燈天宇蚘蟻氣沉黑唯見直北明觚棱此身漂泊真鴻毛潮  
頭高比船頭高鄰舫有客坐吹簫簫聲迸作春江濤龍洲道  
人客豈是彘肩斗酒真人豪菰蒲搖搖潮亦落船婦哺兒睡  
正着掀篷起視江茫茫側聽城頭五更柝兩枝柔艣浮在空  
划夢直到東安東黃鶴山樵妙圖畫丁頭鼠尾何其工誰將  
竹弓彈粉墨簪頭換白漁衣紅酒船如飛掠岸至取暝不復  
論青銅得毋寄書作柳毅或亦行雨師衛公不然既非鷗波  
老那來小水晶宮中前日鵝鴨山今朝富春驛有錢沽醜醜  
無錢買襤襪嚴陵老子如相聞身披羊裘笑啞啞

江山船子曲十首

蘭谿杏谿南北流錢唐估客不知愁畫眉一路催人起梳得  
長洲苑裏頭

七里灘西夜泊潮簸錢樺燭笑相邀勸郎莫作投瓊戲翻手  
成雙覆手么

學得東湖阿子歌三絃篷底抱杪櫂留郎盡日瀧中住懊惱  
無風七里過

生日天妃廟裏看船娘剪紙咒平安記將玉牒雙跳脫博得  
參軍舞契丹

衢江水濁歛江清二脈交流建德城妾到衢州郎到歛兩枝  
柔艣自分明

褰裙斜倚舵樓東猩色鞋幫製最工煞似白鷗鷗背上吹圓

兩瓣落花紅

兩頭纖纖篙脚彎婦翁搗後穀州還郎看三十六回月月

照儂雙髻鬟

舟人女例贅婿第役於婦家三年卽成婚不取聘錢也

進瀧餛飩頭出瀧糕江水油油似葡萄那要猩脣鯉魚尾郎行  
原判飽風濤

觀音暴過繫檣戩利市攤錢獻順風十五越娃傳好語早行  
船合早收篷

送郎直到仙霞關却笑江潮半邏還好去樟溪莫回首阿儂  
只嫁江郎山

瀧中泊嚴子陵祠下

越諺龍籠辨未真

集韻瀧門江反奔滿貌水經注自縣之於瀧凡有十六瀧第二是嚴陵瀧瀧水湍急

故名或訛爲籠宋葉夢得已辨之明程叔明以爲龍取帝者象又以堪輿家龍脈釋之更謬

紫溪赤瀨試

投綸足纜加腹星先動姓可名州俗自淳聞道茶經傳陸羽  
更誰游記託吳均白雲尙似羊裘白乞與蘆中丐食人

嚴先生釣臺歌

西臺何寥寥東臺何巖巖我非求名亦非利卻來半日留輕  
帆蘆茨源鷓鴣灘錦峯繡嶺相彎環當時垂釣處斜睨蒼苔  
斑寓公不臣洗耳走節氣遂開東漢後釣義不釣世上名釣  
月乃釣天上星昆陽陣合飛劫灰先生卻踏鷗背回蕪裏亭  
下飯脫粟先生斫魚白如玉故人占得江湖寬諫議大夫何  
等官釣壇之高高百丈漁女漁兒尙來往不見緡絲飄但聽  
菰蒲響噫吁嘻布衣之交惡客同何物乃有公孫宏

謝參軍西臺歌

嗶喏復嗶喏朱鳥有喙不得食參軍一歌關水黑雲從南來  
氣如墨零丁洋惶恐灘唐家開府何時還十二年中三慟哭  
朝潮夕汐猶汎瀾有客有客甲乙丙乃無民氏留塵寰月泉  
吟社多隱號不出遺民六十之中間環娘柳娘去已矣玉子  
拋杵紫雲死參軍淚落如綆糜地老天荒向誰是雪皚皚波  
洄洄竹如意今安在哉橋亭卜卦客自去井函作史心俱灰  
君不見冬青行欲折馬箠問驍形興隆竿吹江水碧蛻龍上  
天化蜥蜴燈檠頂骨出人間不及西臺一片石

胥口

胥口聆吹簫吹簫風颯颯一爲小海唱溪瀨若相答蘆中不

見人蘆葉自開闔

過建德

大波白如鷗小波奔若鶩衝歛所交流掀厖一何怒轟轟地  
軸翻芻芻月輪戽夕陽欲西曬到瀨不敢渡篙師爲側搶乍  
右忽左顧俯仰轉肩尻撐撐送腰胯物情有順逆爾乃與之  
忤浮圖倒艙底距岸已百步殘雪明城根有人草間語

自建德之蘭溪風利舟行甚駛

五里聞庵鐘遙指蘭溪渚搖艫到城根鐘聲圓未已縣門風  
色佳江水正瀾瀾溪女來賣魚柳條貫赤鯉午飯東風亭同  
年各色喜如聞柁後語宵來已百里

哀新塔

饑民走喫官廩粥烏鳶下攫樹上肉樹上者誰民之族挂髮  
撐腸拄胸腹去年水來高過屋不死沉淵死喬木其餘乃趨  
城西隅城西隅有僧浮圖紀年傳是吳赤烏赤烏不見見水  
鳧鬼燐熒熒白日逋怪風哀壑聞叫呼舟人指謂子庚申歲  
六月其日二十四是夕塔遂折君不見圍圍塔下魚鱗鱗道  
傍骨

宿金華城外谿樓有感作

谿光流月月有聲漁火上樓樓有影主人爲言去年水水痕  
猶在方牀頂客聞此語心惻然默向寒檠殊耿耿僕夫旁侍  
告匱乏口雖欲諾伴不省提壺且覓酒千鍾撲滿那來金百  
餅二更城外燈事喧燭龍亘天光炯炯我時不寐惜良夜欲

語還如骨在，哽流民夜哭。富民笑不照，流亡照酪酏。同難相  
卹，自古然。僅免魚殃，亦已幸。卻教市上競簫鼓，試聽莎根叫  
蛙。鼃天明，攬衣啟南牖。隔岸烟炊午，猶冷旁人指點。此南埭  
地壤壁，唯餘瓦。葵靚石橋橫，空斷已久。遂使無由得走，鋌徑  
欲往告長民者。徒枉亟成，應首肯豐干。饒舌不思量，顧想洪  
鐘撞寸筵。朝霞斑斑天，且雨肩輿，卻望馮公嶺。

渡松溪遇雨

松溪橋斷，飛奔濤頑石。齧岸如蟬，嫩輿丁白足。亂流渡，軋軋  
自鳴雙竹篙。荒村氣候異，寒暖野梅雜。放兼山桃上嶺，下嶺  
誕將午。滄濛霧氣圍週，遭前行有客不見頂。雨笠俛仰雲之  
均，破空大樹出。復沒始知有路通城濠。天寒日暮，氣慘澹。敞



裘已溼山羊毛僕夫輶塚三歎息况聽哀壑風呼號不知今夕宿何處晚飯可有溪中莖

行武義縣山中去年被蛟患凡蛟所起處山輒破裂數十丈其下民廬卒被漂沒官賑半年流亡未盡復也道中述所見

治縣亦有譜伐蛟亦有書蛇與雉交卵入地馮生乃爲海大魚捕蛟要猶捕蝗耳雪所不灑下卽是孟夏之政在月令毋使雷動驚蟄起箠輿昨日婺州來瘡痍滿目肝腸摧豁衍大壑莽崩裂想見鱗鬣擊空迴客行日午人聲靜不見炊烟見雲影溪頭水碓閒自春牆內梨花嬌獨靚荒荒野渡風嗷嗷中澤鴻白頭盲婦出留客爲言衰老無主翁有婦去就娘家

食有兒去作他鄉傭一孫甫周醉抱寄東陽東流離日喫官  
飯粥麥苗未肯青芄芃君不見某戶某口某鄉里通衢之榜  
紅押尾

裏溪書所見二首

抱布歸來日已曛酒痕狼藉鮑姑裙似聞阿囡呼郎罷明日  
聽歌到縉雲

笑搴竹箔捲蘆簾學抱三絃露玉纖不信監門好圖畫著他  
溪女唱紅鹽

縉雲

沓嶂塞頑空青天一箭通地高雲亦瘴礮響夜還風仙吏碑  
難讀愁城酒易攻一枝紅燭影休遣舞驚鴻

東渡遇塘西宋廣文

婦姑巖下斷知聞，忽漫相逢鄭廣文。  
鷗影白於前夜雪，水聲涼似裏湖雲。  
聳鄉作計歸猶未，手版隨人爾亦云。  
爲話蒼山好，飛瀑半空多捲水簾紋。

過桃花隘

竹轎軋軋荆坑東，仄嶺冥冥迴悲風。  
山多於雲雲似水，捍闔不復知頑空。  
微開石扇漏天影，仰視乃見磨青銅。  
修蛇赴壑忽左轉，對而又與青林逢。  
回頭卻顧所來處，微茫有路無由通。  
大波曰瀾小波淪，大山爲霍小山宮。  
車箱箭栝信天險，栝之北戶難爲攻。  
在昔真人起淮泗，紅羅幕空光熊熊。  
建康甫定下寧越，黑氣白氣高於虹。  
苗兵元帥頗善戰，車有獅子鉤。

嬾龍臨湍乃勞耿都尉狻猊磨牙制其胸間道已拔葛渡巖  
偏師直搗桃花峯蓬萊水淺五百載時平不見紅羊紅久歎  
金莖泣銅狄那能鐵券兼茲弓偏提酌酒一懷古題壁有句  
誰磨礪不知此事亦已矣夜寒且索爐火烘

萬象山謁秦淮海先生祠

不識姜山路城隅別有祠題名壽聖院著籍黨人碑黃鵠天  
南客微雲邗上詞柳州流夢去藤雪正花時

張教授荔園招同邵廣文憇棠宋廣文兩船姚文學益  
齋餞于於萬象山二首

儘教詞賦薄相如千里依人少定居明日睦州城外路桃花  
流水子陵魚

江山船子滿蘭溪商女如花唱大隄見說浙江潮有信相迎  
已到富春西

五雜組

五雜組霞尾紅往復還成老翁不得已寒號蟲

五雜組艾如張往復還九迴腸不得已返故鄉

五雜組機上梭往復還牛旋磨不得已勞耆歌

五雜組蚶蛤毛往復還轉桔槔不得已持空嗽

張荔園宋兩船姚益齋以詩送行奉酬一首

挾瑟吹簫總浩歎才人空自怨邯鄲交游莫問文章價風雨  
何辭道路寒白雪調高歌不易青山綠淺住應難平生知己  
秦淮海湘澧烟波去汗漫

筴箐嶺題壁

四十里路橫翠微日高山寺行人稀閉門澗水北風大坐把  
梅花當衲衣

過桐廬風利不泊亡占

子歌響竹篙我歌擊銅斗半日東南風已到鷓鴣口舵樓踏  
搖孃支頤曲其肘白鷗出我前忽已在艙後

舟次有觸漫書

春流如馬下諸灘舟子謹呼袖手看我獨丁寧牢把舵順風  
還校逆風難

湖上與顧上舍

了了事婚嫁不如向子平兢兢鼓脣舌不如樓君卿歸來百

無事坐使髀肉生頗聞僕夫詈那免流俗輕故人無一錢飯  
我江上城甘言慰我厚益覺感慨并譬以酒止酒焉使宿醉  
醒落花無春聲寒士無重名

萬花如春潮人事如牛毛酒徒百不會落落青禾高放櫂南  
湖頭抗手呼其曹是時春水生綠浸城下濠紅樓喧白晝絃  
筦紛嗷嘈永懷吾子行吹笛浮輕舸亦有楊鐵史跌宕排風  
騷男兒要文字那復計錢刀馬周洗腳時意氣何其豪

湖上四首

寶所山前碧玉流城根歸盡載花舟夕陽今夜宿何處不是  
鷗家定寺樓

十五女兒學吹簫自下肩輿過畫橋好是落花剛到地東風

扶上綠楊梢

避人又被隔花看  
執扇低遮立未安  
水閣太涼樓太暖  
商量只凭曲闌干

草痕難覓舊雙鉤  
飛絮飛花只獨愁  
昨日畫船從此去  
綠波無語遶城流

北山旅舍圖僕題此已三年矣秋槎郡丞愛僕斷句酒  
次復出圖索題四首

貓頭笋子迸春雷  
一醉茅堂夕未回  
貪與白鷗閒話久  
艣枝搖綠過橋來

山樓遙指使君家  
閒卧微瀾塔影斜  
分得段橋西一角  
聽他湖雨滴蘋花



湖水分篙欲上牆，入門便覺綠陰涼。  
撐空鴨腳大於掌，閣了鐘聲閣夕陽。

揆也相呼五載餘，葑田欲乞竟何如。  
丈人六十頭應白，如此江山好著書。

卽事

玉匣冰奩鉛水流，垂楊影裏見梳頭。  
夕陽似與紅窗約，不近黃昏不上樓。

南屏晚歸

西南風好滿湖晴，回首村烟故故生。  
百八聲鐘涼到耳，白雲一角寺樓明。

飲巒莊溪上有懷家上舍客遠左

一月不相見歸來笑到門無心棋得失隨意酒寒溫  
鱗栗洮河壯黿鼉薊水尊天留一溪碧照爾話黃昏

遼海四千里滄江五六年故人不可見尊酒獨相憐  
水大村多雨天寒月有烟琵琶查八十塞上鎮酣眠

得家上舍銘三書知其將出都門卻寄

滹沱河水下飛湍七月燕臺已作寒多少酒徒零落盡  
秋風秋雨渡桑乾

與少白晚步至東林庵覓酒不得

百畝圩邊路東風屋角眠烟扶溪樹直雲抱磬聲圓  
劫火留初地殘陽託數椽我來參米汁未契遠公禪

與茶磨山人晚飯溪上步至西林橋望後山烟樹

昔人夾清漳張南與周北今我隔溪住但不共庖漏陸通好  
狂歌歌響繞溪側人生風吹雲還往適然值有酒且斟酌何  
必定相識况茲元契深談諧率胸臆石橋月初上佛火出深  
黑竹露泣有聲棲鴉動未息諸峯倒河漢明星在醫罽江南  
苦重馳濕疾罷登陟俯仰塵埃間詎復論學殖如絲謝泚泚  
如土舍塿埴荆公居鍾山朝往及日昃意行今則爾聊以解  
結轡君看房心高不歸歸亦得

腰笛

腰笛過君家吹來月子圓如瓜舍前舍後菰葉斜飯我玉女  
青胡麻君言本是笠澤翁料理釣具隨秋風送君直過溪上  
市吳榜衝波浦烟起梓樹橋西水北流見君俯仰蘆花裏

僕曩之處郡道出金華題詩逆旅頃俞文學往婺見而

和之次韻奉酬

記坐扁舟碧浪堆睦州西上婺州來事如好夢尋無迹人似  
春潮到卽回作客兼旬愁雨雪掩關九月卧蒿萊誰知紅樹  
秋江上爾又高吟過釣臺

徐文學

善遷

以星學游松陵詩以導之二首

去泝三吳范蠡祠西風忽動五湖思鱸魚況味君應熟腐蝸  
身官我自知天上星辰張角在江湖烟水舳艫遲由來造物  
能憎命莫更聲華替左司

韓昌黎蘇文忠俱安命丑  
官今僕之命官亦在斗口

徐福當年海上過雲仍猶欲狎烟波九州任縱談天口三泖  
誰爲斫地歌自古文章司命少至今湖海酒人多此行若坐

支機石畢雨箕風奈爾何

夜來風緊嚴寒欲雪比曉起則初日已在檐矣口占示

內子

舉簾笑倚玉鴉叉卷盡西風萬里沙十丈暝紅剛到地不知  
爲我爲梅花

月下老人引

老人只住瑤臺下溫柔鄉裏有情者世界重開切利天神仙  
別結香火社昨夜聽歌相府蓮斜封墨勅大羅天評豈鴛牒  
三千紙批抹鷗盟五百年酒星如斗照天市醉向安公借龍  
子騎來銀漢似騎牛織女飛梭拔其齒要索麻姑背上搔元  
霜如雪過藍橋卻逢玉女投壺戲贏得天家二百驍老人一

笑忽墮地盡見星冠與雲帔天上爭傳不死方人間卻起雙  
飛寺但見胡盧甚口哆氤氳使者髻雙了佳人莫乞蒼吾嬖  
義士須知古押衙歡喜因緣例得請瓔珞幡幢最高頂本來  
明月是鄉親分得樓臺七寶影酒地花天喚奈何寫生不減  
喻彌陀願將五色媧皇土更塑江南春夢婆

答父積堂

初陽臺側有行窩湖上年年送碧波僧侶語生禽語熟白雲  
來少我來多當歸老圃唯栽藥卻鬼奇方漸退魔多謝故人  
隔烟水尺書迢遞問如何

貫谷詩鈔卷八

海昌查揆梅史著

答舍弟葑湖

落落天親話共酸，頻年小別上河干。  
圓來好夢遲無驗，抄得奇方試轉難。  
流水送人三月暮，鶉鳩啼雨一生寒。  
小桃花與家書字，怕近闌愁總倦看。

病後落一齒示葑湖

齒落真何似秋風，一葉初嘯歌雖不廢。  
骨肉恐全疎，軀手勞刀匕。簧言念輔車，所餘無幾在。  
留共斷生蔬。

竹樓招同蔣村泛舟至金沙港

出城眠柳笑相扶，報道先生入畫圖。  
名姓自來魚鳥熟，風流

不欠水雲租。遮鷗未老，垂垂絮礙。艣初搖短，短蒲何事圓荷。  
纔刺水喧涼，已覺雨聲麤。

夜起

打窗何事客魂驚。厭聽風聲與水聲。直爲藤花憂不了，吹燈  
坐雨到天明。

齋前馬櫻一株春盡葉尙未放口占

掃瓦難藏葉底禽。空條四月古苔侵。知應學得幽人樣，讓了  
春紅讓綠陰。

家上舍南廬自都下寓書訊近狀奉答

經年示疾臥江鄉。失意單車向栝蒼。欹枕不知人事改，閉門  
唯覺雨聲長。負來藥券忘前約，接得朋牋半古方。輪爾短衣



身手健吹螺五月上遼陽

本事六首爲何夢華題西湖買香圖六首

野雲池館記招邀  
紕繆能容子  
貢挑蕊是肉人  
都不會屏山  
無分聽吹簫

苗香鬢子篋  
篋腰心事真  
如絳蠟燒若問  
舊家雙角井  
柳花吹過石函橋

前洋甲第本連天  
送上鈿車又隔年  
便是倉琅渾不閉  
夢中無路近秋千

匯水胭脂載卻回  
儘呼如願打灰堆  
湖心閒著螭頭舫  
借我高荷聽雨來

迎將人種上吳艫  
蘋葉蘋花滿釣砭  
不著婀娜帆子影  
自緣

歡已到紅窗

舟子呼造帆曰歡見齊東野語

瓊臺玉女教梳頭藕牒如船不載愁三箇疎星一鉤月有人

雙笑壽花樓

淮海詞天外一鉤斜月帶三星調心字也

奚鐵生畫雪浦歸帆卷

鐵生善畫尤善罵畫固可喜罵可怕清寒噫氣入肝肺冰雪  
槎枒互凌跨醉來白眼看世人必逢佳士亦寫真倒翻滬濱  
迴筆底浦口欲弔春申君水痕高處一帆立凍艣無聲爨烟  
濕墨雲深黑圍客夢天影壓蓬圓似笠塔鄉卻指天之涯十  
里五里開梅花嚴寒如此例得酒遠岸不見風帘斜走也前  
年枯蒼去瀧裏迴過三日住此時天公正玉戲雪花如拳白  
如絮我不善畫猶善詩貌出玉龍鱗之而無人得似戴文進

著我紅衣老釣師

送春

鐵史花游句乍傳  
饒春又過上頭天  
夢和柳絮吹無影  
愁似吳蠶夜未眠  
三月偶然成逆旅  
東風歸去本神仙  
怪來天際孤舟字  
一曲琵琶倍黯然

上巳湖上三首

載得姪媼各鬪妍  
日斜猶趁鷺鷥烟  
蒲牢一杵多情甚  
敲散游人待泊船

臉際殘霞特地濃  
下樓不合走匆匆  
小身只立緇桃下  
知是花紅是酒紅

六柱船窗凭玉肌  
袂衣嫌暝換單衣  
無人說與湖風大  
蛺蝶

成團柳絮飛

新綠

鶯鳩啼破郭門東  
畫出春陰似夢中  
柳巷鶯花藏欲露  
村橋燕路碍還通  
西南風釀今番雨  
兒女情拋舊日紅  
最是江南梅子熟  
石楠吹雪晚濛濛

凌忠介公早朝圖爲米樓作

委鬼墮地茄花凋  
十八孩兒東西跳  
憂心已作琴尾焦  
斲面直似山僧懽  
五更日出雞應潮  
緋衣挂體笏插腰  
霜痕著眼星搖搖  
鬚眉欲動風刁刁  
時艱肯作合口椒  
司香兼罷雙垂髻  
誰爲茲圖神理超  
茗柯先生人中標  
甲申之際國事滄  
牛怨李相攻剽閣  
臣臺諫如沸蜩  
紛紛修竹彈甘蕉  
烏程酒

熟醉百僚朝野側  
目林甫貓公於鄉人  
無私交數上封事  
猶李韶都城三月生  
夜妖中旨召對趨  
斗杓卽今圖裏袍  
袖飄疑有疏草垂  
襦褌溫忠烈公生  
雪茗遺像昔亦展  
錦標焚書拜闕神  
麈熙彼門生者徒  
獻嘲爾時萬歲山  
寂寥早晚唯見  
烏鳶朝

雪蕉

心事如花事  
東風吹未消  
下堦人影瘦  
卷葉雨聲遙  
小朶開還落  
閒愁暮復朝  
倘教摩詰畫  
幽夢轉無聊

登雲居山望湖上新綠

言尋紫陽社  
卻上雲居麓  
春陰昨夜來  
已就寺門宿  
沙尾隔前灣  
城根忽一束  
惻惻午寒深  
沉沉水氣畜  
時鳥懷好音  
下

見村埭屋湖光欲上樹窻映炊烟綠有時鷗影白點破湖一角圓頂撐高空但覺雨意足唯餘塔塔高不改頭陀禿笋天酒可呼林梢畫同讀客情如冷蜂轉惜春紅速

紹興六年賜岳忠武手勅代梁侍講作

金陀坊冷秋草肥南庫手詔拋烟霏此獨完好知者稀想見將軍大小眼讀罷涕泪霑麻衣紹興五年一載違五國望斷欽與徽冰天萬里魂來歸孟婆消息吹九圻奈花如雪簪劉妃君方諒閹臣墨衰廬墓不許依春暉重臺書體信手揮十有一壘是也非摩挲古紙天水碧聶大年題或庶幾

送倪米樓

稻孫

之揚州

剪雲一曲破春愁六柱船輕記昔游君是江南賀梅子一篷

寒雨又瓜州

偶成二首

嬾教塗足乞僧油  
拘項經年悔遠游  
除卻掃花兼掃地  
等閒何處可低頭  
馬纓未乳海棠落  
寂寂香吹山木瓜  
讀罷楞伽無箇事  
一枝松鼠挂藤花

喜吳亞白自茗溪至

戶外蹙然至  
聞聲意已親  
茗花吹滿袖  
梅雨冷兼旬  
湖海今生約  
鬚眉有數人  
水晶宮宛在  
輪函汎輕輪

吳山曉起同蔣蔣村

炯

纔開了鳥辨晨熹  
一路雞聲叫翠微  
江影入樓樓瞰水  
坐深

涼雨綠陰肥

題元人無款草蟲卷代梁侍講

草蟲用墨誰擅能宋有毘陵居寧僧其餘作者競渲染紛紛  
院派矜傳燈卽如此卷無民氏心疑元人得毋是一枝兩枝  
寒蘆搖雨過猶濕秋雪梢誰人爲此尙得寫竹法葉葉倒垂  
金錯刀無多岸草披鬢草根躍起金蝦蟆注目卻努兩點  
漆意思在蜂不在花一蜂校遠如相尋未到已被蜻蜓擒腰  
細尾短嫩不脫諦聽似有薨薨音畫家作意更機捷少寫秋  
花多寫蝶大者鳳子小春駒畫蝶猶妙善畫鬚鬚光欲圓筆  
欲渴勾出風痕蝶身活東西七雙飛成堆就中誰是村裏來  
忽驚拒斧翩然迴促織倒懸病葉頽一窠細蕊含烟開吾家



舊藏草蟲卷子亦無款審是宋人吾能辨所惜絹本又況著  
色成終當遜此此真罕阿買未肯厭家難抱茲一束來乞題  
是時梅雨苦煩溽疑有涼颼吹自西

張雪鴻畫鍾馗袖中鬼樂卷代梁侍講

終南進士行吟坼唐裝鬚髯鞞與鞞鳴色袍袖張如屏鬼樂  
喚出當莎廳睽暘貓眼俯首聆風搖巾角何泠泠一鬼綠髮  
倅且爭寧王玉笛吹瓏玲其傍一鬼檀板擊尋聲按拍無留  
停夜摩盧迦心魂驚天魔全部誰使令跳布袋爨身裸程酒  
詞燈詞歌脈青頂壘塚換相紆紫不離襟帶雙腳躑是何醜  
段聞嚶嚶萋蒲釀熟榴花明盍呼小妹傾鬢聽吳道子畫游  
戲成移家出獵嗣縱橫敵也畫鬼鬼趣呈袒躡躡足能窮形

後來卻笑曹奎僉思以大袖盛蒼生

進士曹奎作大袖以盛天下蒼生見倦游錄

寄髯翁十首并懷諸同志

谿邈龍山互鬱盤讀書高卧翠微端朝來手拔蒼龍尾萬箇琅玕當午餐

猛氣如鷹恣脫鞲才名三十動諸侯怪來驢背吟詩已徧背

燕雲十六州

謂南廬

聞道長安似奕棋盲人西向路還歧歸來依舊黃金盡但道王敦是可兒

春園

城北徐公聳兩肩雄風艾氣慣談天沈淪不比橋亭客羞乞

冬烘紙裏錢

蘭圃

論才何似韓子蒼痼疾遽作張文昌前年悔煞登吳觀萬里

罡風五夜霜

補亭

道場山北何山南  
輪爾扶筇聽放參  
曾過鷗波亭子否  
王孫

何處草鬢

夢唐

不脛而走字如麻  
跂腳松窗送日斜  
憐他侍疾維摩室  
日寫

心經夜散花

簪溪

冬學懵騰太寡歡  
一泓鷗眼有波瀾  
文章流別空今古  
滄海

橫流亦大難

舍弟  
葑湖

無事温温如處女  
酒狂罵坐眼難青  
費他癩足江南北  
郭璞

閒思注水經

榕園

晏嬰五尺不爲短  
七歲朗吟詩百篇  
青衣亦解吳江冷  
同上

鷗夷載酒船

思亭

題范素君水閣塗妝小影

匿影望蟾閣情親轉諱疎  
低頭攏翠鬢不敢教郎梳

清平山訪屠琴鳴

傳

艾積堂

三慶

留宿拂塵庵

抱城一角閉松關擬乞巾餅未肯還  
欹枕江聲蕭寺雨對門秋色固陵山  
豈無高論卑餘子獨有枯禪媿壯顏  
倘許揮毫圖主客儒衣容我翠微閒

雲臺夫子闢精舍於西湖孤山之麓  
以浙東西爲訓詁詞賦之學者舍其中  
得三十二人揆亦與焉同舍孫文學作  
話經精舍圖屬題其後

開府東南盛傳經許鄭祠樓高青嶂  
合波暖白鷗知漢相翹材館昌黎薦  
士詩只今圖畫裏廣廈萬人思

西漢定陶共王陵鼎歌應雲臺夫子教

并序

按鼎以漢尺量之通高七寸三分器身高四寸二分蓋高一寸六分蓋上三環各高一寸二分兩耳高二寸二分三足二寸蓋鑿隸書銘大字十五曰隃麋陶陵共廚銅斗鼎蓋并重十一觔小字四曰汧第卅五器鑿隸書銘大字十七曰隃麋陶陵共廚銅鼎一合容一斗并重十觔小字十六曰汧共廚銅鼎容一斗重八觔一兩第廿一蓋右扶風所供定陶共王陵祭器也漢書哀帝紀帝太后宜起陵共皇之園遂葬定陶水經注濟水又東逕定陶恭王陵南太平寰宇記濟陰縣本漢定陶縣之地下云左城亦名之曰葬城實恭王之陵寢也此云隃麋陶陵者蓋隃麋所共陶陵鼎耳漢人歛識質實每

如此然漢地理志隃麋汧皆漢縣屬右扶風銘何以並署之  
考汧縣以汧水得名寰宇志汧陽縣本漢隃麋縣地又云汧  
水經縣南一里則隃麋在汧山之陽正臨汧水銘言隃麋以  
著其所共之縣言汧以紀其所鑄之地耳或謂定陶以兩字  
稱不當援灃陵茂陵單舉一字爲疑又考戰國策秦客卿謂  
穰侯曰秦封君以陶注今定陶縣史記越世家間行以去止  
於陶徐廣曰今濟陰定陶元和郡縣志亦云九州記陶卽堯  
國然則定陶舊名陶至漢始更今名言陶陵者省文從乎其  
崩之稱也

定陶有鼎傳宣和高廟彝器神爲訶都倉兩字失攷證趙王

又以恭王訛

宣和傳古圖定陶鼎跋以高祖之子恢爲定陶  
共王按漢書恢封趙王無定陶之稱特定陶恭

王徙封定陶在河平四年而永光四年已罷祖  
宗廟之在郡國者不應有高廟鼎爲可疑耳  
中丞博過勾

中正燦爛星宿胸前羅心知炎漢十八鼎紛綸載籍陳縷觀  
卽如此器出涇汭古香合伴周五戈慮僂量之不及尺三足

兩耳三環俄秋瓜落蒂腹容斗照眼但覺金盤陀上撐孤髻

晃晴昊點滴銅翠如新峨高高隴坂望不極湯湯隴水翻旋

渦鑄錢基存馬頰社鐵官失著理則那

寰宇記開寶二年割  
汧陽四鄉置隴安縣

下云馬頰社有古時鑄錢監基汧陽卽漢隴麋縣  
據此地理志雖不言有鐵官當亦漢時鼓鑄之地陶陵鬱然

濟陰郡奉此薦諸翠堵波三融古國訪廢殿孟豬大澤東通

荷元城之際稽往載此器直欲三摩挲畫堂甲館稀進幸昭

儀入侍工媵姍孝元晚歲憐少子前星欲沒驕姪娥濟陽徙

封析茅土無復問鼎窺嵯峨豈知桑海剎那頃傳后高冢平

無頗恭王一杯幾千載玉鳧金雁今如何紛紛史事已陳迹  
吾愛吾鼎違論他祥金宥坐誰善頌麤材菌蠢聊爲歌

吳江郭頻伽磨過訪有贈

未曾相見已頭低半刺風吹下墨西莫謂左徒誇異服何嫌  
方朔有旁妻酒痕似水春無價才思如花蝶盡迷與爾人天  
同懺悔且拚檀板唱黃雞

壽樓春色圖何夢華爲其姬人媚蘭作也索題四首

六尺春波展簾紋暮寒樓角易成雲不知此夜吹簫侶花事  
商量到幾分

擁髻燈前慰舊愁周家絡秀儘風流鬢鬢夫婿年三十笑倚  
銀牀弄阿侯



後房祇隔小屏山平視劉楨見總難惱煞寫花惟寫影畫中  
看似霧中看

角張前事太無悽小瀟雲龍話寂寥記否水晶簾下見杏花  
時候似今朝

華春濤岑松歸自都門相見湖上招同施雪帆小飲

戢翼翩然返故林春風南國舊題襟累科下第悲昭諫一闕  
中書換楚金名在轉添文字障病多真損少年心尊前屈指  
韶光過有客頻搔雪滿簪

爲頻伽題僧廬聽雨圖卒章有觸於懷不自知其言之  
慎也四首

客民滋味想能諳鈴語郎當最不堪道是慣聽還怕聽一樓

黃葉夢江南

蒙泉舊雨記侵尋洗馬言愁我更深劈盡芭蕉三面葉滴來  
點點是秋心

聞道嬌藏尹與邢輕寒惻惻可憐生明朝擬放扁舟去又恐  
河橋一夜平

欲塞聞根向梵天誰家卷雨落尊前三間屋後無多樹作盡  
秋聲惱客眠

寄家南廬長沙

三十上衡嶽言將幕府參酒徒呼蔣濟妻子託張堪暮雨黃  
陵急江聲白帝酣飛書催馬上未暇憶江南

留別屠琴鳴父積堂

風雪修門路相看別思生漫推袁彥伯誰辟荀慈明行李和  
愁重文章與命爭玉梅消息近期汝酒船迎

示漱石

有客真崔護無錢似阮修幾時桃葉渡催上木蘭舟兒女情  
爲累生涯醉亦休南湖今夜月心折大刀頭

癸亥元夕家上舍新歸自都門與沈君雪颿相邀爲謎

社之戲懸諸市門以爲樂旣而饗人告匱丙子質衣爲  
傲裝舟中攜冬心先生三體詩讀之暗風吹雨擁被無  
聊輒效其體湖上永成眉丰兩開士方外舊游也將儼  
居其廬故末首及之

春街打馬戲夜火鬧蛾兒世事渾謎語相猜各自疑

寄衣長生寺庫貨粟監河侯家今夜夜船何處夢回矮屋紡車

平生齒冷程不識一錢不值奈爾何叩門求乞伊蒲饌絕倒南湖翠堵波

曉泊臨平滹安平泉祛睡魔也

泉鳴黃犢嶺嶺下雪驚飛欲喚邱員外風爐坐不歸

參寥子披風帽景陵僧著茶經何處鹿盧雙井青山斷處臨平

鼓吹初回牧子車瓶笙如蚓虻如鴉北風刮面不知冷井字謎成鬥鮑家

傲居湖上招賢寺簡琴陽積堂

馮諤焚薛劬王播投庵鐘松風聒十里耳聾如癡龍

員半千莊暫賃查八十絃誰諳飲酒不如洗腳一湖春水江

南

輸人渾似燭之武驚坐漫誇陳孟公畢竟孤寒誰耐得梅花  
先作白頭翁

坐雪遲琴陽

春湖十里梅花開花光蘸影波如醅水妃出戲弄明月玉龍  
拏爪空中迴酒人酒人太偃蹇僵卧渾如蠶在繭吳姬誰進  
崑崙逆旅祇題西蜀犬開門去喚前湖雲花片驚飛雲不  
聞歸來自撥齋廚火爲馬爲牛無不可故人爲我愁我勸君  
且休萬事適相值嘆嗒良可羞我昨鳴漁撾暝日明谿沙解

裝不隔宿雪片飛如鴉瑟縮青豆房瘦骨成枯槎而雪豈爲  
我我自空咨嗟豈惟不爲我并不爲梅花媧娥搏土游戲是  
我亦偶然爲我耳冰花細嚼與君語魂夢還應清似水玉壺  
無錢不買春質衣聊共醉蕭辰惱他瑪瑙寺行者也似水晶

官道人

寓近瑪瑙寺故  
用趙松雪事

酬琴鳴寄懷之什

隔城相望少飛翰健步移來墨未乾逆旅桑虞虛作客微名  
張祐悔無官酒能犯卯聊尋醉花似添丁強就看賴有故人  
通問訊尺書已碎十分寒

寒甚與華上舍春濤鎖瀾橋看殘雪

春寒如越兵鬥此缸面碧頗怪風色尖但苦酒腸窄啟蟄已

笄天凝霧過月額安得回微陽窮陰散霹靂垂虹寫素波湘  
桃禁未坼殘雪湖上山數峯見媚嬾村痕入竹深僧影照湖  
白原禽凍無聲枯魚冰成腊天地一沍寒萬物盡如客感此  
戒羅網無爲事弋獲相期春草生重尋舊行迹

雪齋琴鳴偕范小湖

崇階

爰積堂過訪

簪頭不改雪崢嶸烟暖西村又放晴僧似殘陽林外見愁如  
芳草雨中生吳規作客知名早闕澤傭書去國輕虛約燒豬  
善知識航船還向北湖迎

復雪簡春濤竹樓昆季

客來山中正愁絕五日投囊六日雪少年宜花宜酒紅骨相  
獨不宜東風東風避客向何處只在箏樓暖處住剗腹椰瓢

禿尾驢隔鄰欲喚華子魚段家橋子墮烟水行人拍拍沙鷗  
起蝟毛跼縮君莫愁相公昨夜平蔡州時川楚蝟殼窗深香  
逆鼻雪耶花耶吾不記勸君點屐破莓苔東家還有葛三來

寓居近  
葛嶺

雨後步至錦帶橋

宿霧罨城根全湖半吐吞山痕多著水雲意別成村佛屋魚  
聲逗離宮草色昏獨游懷靜侶茶訊更誰論

得家信作

空山獨夜旅魂驚隻影吳天一雁橫途若不窮吾早去家無  
可戀爾孤行貧家難得惟兄弟人海何從問死生記送阿兄  
溪上別順風還祝布颿輕



拂塵庵前古樸相傳爲南宋所植

今年茆庵煮白石樹作主人我作客客來坐卧寧非天濃陰  
待我七百年孤根戴石不戴土霜裂薜皮鐵色古高撐圓繖  
蔽萬牛卓立峯腰別成隴彙馳嶺下江蒼茫隔城隄落孤鳳  
鳳鳳凰塌翼飛不去惟見鷺鳥巢高岡春風吹汝毛骨頽老  
鴉啞啞啄其背枝頭決皆望秋雲豈識窮愁還我輩寺門白  
畫青雨黏薄蝕太陰潛飛廉坐閱元明溯趙宋近亦德祐遠  
建炎客來問樹幾僧臘黃面瞿曇笑不答

飲酒三首

世事如畫圖圖窮七首見故人如東風吹噓不識面東風暖  
如花七首寒似霰以霰零春花頓覺寒暖變故人且勿喧世

事且勿喧東風吹酒花北風吹雪片世事吾不知故人吾自戀

西施大道旁祇取錢一文觀者雖云多所得何足云意固不在錢奇計別有存采葛會稽山采絲苧蘿村生爲委巷女顏色更誰論一朝銜通衢珠聲滿國門烏喙卽無意鳴夷遂銷魂不然浣紗者何以通九閭君看邯鄲婦乃與厮養婚卞和昧此理抱璞徒聲吞

今人不如酒妄謂酒可噴以酒比今人雖苦味最真我生不嗜飲銜盃同舍辛所喜兩瓊後能使我意醇請麥米汁佛一聽具陳醉是醒後緣醒是醉後因因緣只如此我佛何不聞我佛苟不聞今人安足論

黃泥潭訪家伊璜先生故居同胡秋白

元鼎作

負郭山庵草徑遮舞裙歌串總空花百年舊業歸荒圃一代  
遺民老狹斜子固畫蘭非故土所南心史落誰家如何蝶粉  
飄零後忍向東平問阿父

閨花朝與琴鳴招同何夢華郭頻伽華春濤竹樓趙雱

門春沂

朱閑泉

王范

小湖

崇階

徐西澗

錢

父積堂小集

湖舫分得賞字

我年卅有四攬揆每怏怏歲月委逝波快若兩輕槩固然我  
欲愁轉爲花設想東風一過客暫留忽已往花事一夢痕過  
眼亦恂恂今年春再閩被例合歡賞擘牋召酒人珊瑚羅鐵  
網何以爲花壽明湖春演濊何以爲花歌金衣弄圓吭東家

小桃杏一一褰珠幌匹如盒子會釵聲鬥髮髻又如服荀草  
穉齒不知長鴻影迴芳堤簫鼓送餘響雨意在鷗背漸覺礎  
潤礫董船掣蜻蛉畢褰浮蟻蚌土步肥砭骨蕪絲滑留掌兼  
長筆與舌一氣灑又沈誰歟花戚里捧觴我亦倘所苦慳才  
思調涇牛鳴益還期續佳游此言存息壤

是日感舊

記聽鄉音醉玉尊錦裯微燄火微溫重來崔護猶人面再世  
韋郎有夢痕福慧能兼寧薄命窮愁難遣况消魂如何細雨  
尖風候十二屏山畫掩門

寒食月夜寄內

潑火初晴薛路乾空山獨夜影闌干傳來節物關心問聆到

團圞仰面看燈焰幢幢兒學語炊烟澹澹食長寒不才便似  
荒年玉欲覓連城價倍難

夜泊橫河橋風雨漏三下不成寐聞鄰舫喧闐有跛足  
篙工自述少年在錢唐江上挽牛車時事咨嗟太息言  
今老病無所容寄食商船爲家長所詬誅聆其詞甚激  
楚有觸於懷爲長句紀之

橫河橋頭船夜泊北風如磐掠篷腳重衾潑水寒沁肌客子  
蕭條枕難著鄰舟有客跛足眠自嗟老病昔少年少年健走  
塵堀堞日向錢唐江上卧錢唐江上多牛車挽車踏浪不踏  
沙行人似蟻牛背馱利市錢多車上坐牛耳濕濕牛尾童人  
牛寢訛秋濤中西風八月荻花死欲割龍纜釣龍子肥羊大

酒鄉曲豪腰間七首能吹毛天后官前夜擊鼓迎神歌過江  
雲高里胥索錢下府帖不惜青銅投大俠十五五眠酒家  
酒家女兒紅玉頰十五不足十三餘織羅雜繡揚輕裾迴身  
促坐喚伙伴呼盧嗚雉雙脈朱豈知一擲百貫併掉頭仍逐  
汀鷗影此時斥鹵漲西與此日海壘沙路梗醉裏曹騰不自  
知齊纂楚蹶涕漣洏舊時江上諸年少蹴踘歸來掩口嗔如  
今老去無人問素髮蕭騷眼生暈跛脚吳孃鴨觜船得錢且  
買梨花醞吾聞此言淚沾胸人生痼疾難爲容卽今耳後能  
徙癰眼中誰是薛伯宗沈沈巷柝驚孤睡一燈冷燄欺霜穗  
君不見秦雲慘澹符郎死誰識荆南老從事

雲居山晚步同孫秋嵐

宗茂

周松泉

士乾

小石上人

嶺小路三叉雲居第幾家餘花依堞見歸鳥背江斜老樹初  
著葉矮牆多聚沙湖波渺何許芳草一痕遮

題陳原舒鍾山圖爲胡書農

敬作

自署頭銜老畫師殘山賸水有餘思夕陽枯筴高辛廟春水  
魚鰕范蠡祠萋宿空懸京口夜啼烏還遶孝陵枝中朝當日  
容遺老始信巢由是盛時

寄華司馬秋槎

上攻書成反挂冠蕭騷華髮駐江千十年官閣賓朋散一畝  
湖莊吏隱寒自昔樓船隨馬援至今鹽鐵老桓寬憑誰爲唱  
無愁曲付與箜篌阿黑彈

晚望同王尺魚

振綱

雨色暗催高樹綠夕陽先在隔江紅道人飽吃齋廚飯自寫  
新詩呈碧翁

綠陰二首

分得新陰一碧含袂衣乍換又江南討春纔覺紅情嬾買夏  
方憐綠意酣三月房櫳恹穀雨一村桑柘浴吳蠶如何老鐵  
花游曲鶯板飄零已不諳

上河圖子過清明又見新烟與水平花似徐妃留半面詩如  
杜牧怨三生夕陽翠幙寒猶嫩涼雨銀牀碧又晴遮盡曲闌  
干十二不曾遮得玉簫聲

詠牡丹四首

朱霞捧出蕊珠宮只恐徐熙畫未工不是萬花中第一一般



誰得近薰風

桃花李花相間飛  
舊家姚魏事全非  
莫愁利市襦衫破  
昨夜東皇已賜緋

焚尾深盃近  
麥秋殿春芳  
訊尙淹留年來儘  
著梅花笑消受  
東風在後頭

那得紅闌面面開  
玉川老屋委荒苔  
花間別有樓臺起  
似向披香殿裏來

答顏伽

竿木隨身笑郭郎  
郭郎與我共  
當難猜世事  
藏蘊戲最好  
生涯辟穀方  
漸近中年猶結客  
無多同調不嫌狂  
平生著眼  
江南北羨爾詩篇接混茫

郭店二首

蘆根新漲水痕平一抹春烟睡不成  
行到郭溪蠶事早矮牆梯影剪刀聲

乳燕飛飛別浦遙春河水軟不生潮  
圓萍吹雪魚吹雨又過丁家舊板橋

送吳夢唐入蜀四首

岷峨西南來相距萬里矣而此萬里內財賦所積累寒士蝨其間渺焉一稊米然且存活難慨然去鄉里二月春草綠三月戒行李四月下江南桃花春漲起白髮挽不留何況妻與子鬱鬱荆門高征鳥去不已置身戎馬間赤手屠蒼兕四十未云衰行行雜悲喜我亦旅人耳摩挲肉生髀

撫髀起三歎我勞竟如何芳草與簾平不抵羈愁多羈愁從  
風去吹作江上波江波何迢迢子行何番番羣雛不得食大  
鳥辭其窠平生蛇與蛇各自成蹉跎蹉跎亦何有遠道多繳  
箸庶幾嚴開府盾鼻或可磨鄉園黃雀肥擊鼓缶而歌妻孥  
爲我壽短燭聽更鼉雖貧有至味不以此易佗君看公輸子  
閉戶乃學嬴

落花不上樹游子行還家還家無程期游子不如花明年花  
開日相望仍天涯念我平生歡聚散如團沙去年茗溪歸舊  
侶尋魚蝦坐我三重茅濁醪猶可賒執手快傾吐如痒忽得  
爬顧我祿中兒學語伊優亞謂兒好頭角長定勝阿耶下言  
飢所驅結束馳褒斜嘉陵江水赤格鬥紛井蛙生不識襦襜

何能挽鞬駁客愁似枯草春風生萌芽

身爲萬里客家無隔宿炊窮餓亦常事浪游夫何爲房星下  
天腕不受青絲羈虬虬視旦暮妄欲相瑕疵所歎牀頭人悲  
歌烹伏雌古人託家室義在何敢辭賤子昔苦病趁午無粥  
麤君時亦告匱萬錢一手齋還家自仰屋不顧妻子飢錢刀  
詎足重此意鑄心脾君今遠行邁氣奪千熊鵬廚爨與竈妾  
反脈相叢背顧我何所有袖手空嗟咨張堪彼何人下士乃  
媿之

柳花二首同宋秀才 算

灞上年年管送迎長條無限別離情分明花是愁來作不信  
花身爾許輕

烟外無人弄玉箏  
藏鴉門外老啼鶯  
東風情性花知得  
愛傍紅闌過一生

聞說

記會相見正盈盈  
了字簾前傍短檠  
小話家常偏款曲  
早知愁味是聰明  
酒因怕醉頻嫌熱  
棋要分先愛道贏  
聞說桃根今嫁了  
顰嬾彈出落花聲

紫花草哀貧婦也  
越中民田多種此草  
夏日至而夷之  
用以肥田有貧婦曰  
撥其花療飢爲田丁  
所覺至禡其  
孀婦恥甚乃解腳下  
行纏縊於隴畔予聞  
而哀之爲作此詩

紫花草春風吹東家  
花開田自肥西鄰有  
婦炊爨屢去年田

中五斗穀官租私逋償不足兒啼飢婦夜哭東家飯雞呼粥  
粥紫花草春風吹饑鳥欲啄心裴裒田丁來布裙襦兩字饑  
寒竟至此紫花滿地貧婦死

刮絨花美孝女也女毘陵人姓楊氏無兄弟不嫁業是  
花以養親終老喪葬既畢以哀毀死

花爲衣花爲食花胡爲衣胡可食花是毘陵孝女血黃姑織  
女河之渚不作人婦作人女刮絨刮兒心插花插兒骨兒年  
十五又二十一雙纖手如東風方楷切萬花吹上佳人簪寸心  
那復論長短袖中玉尺知兒心蘭陵一盃猶覆蒲金虎守廬  
烏負土誰家少婦倭髻斜滿頭猶戴常州花

山樓看雨琴鳴作圖僕與小湖題詩其後

山樓瞰江尺有咫日午青天挂龍子蒼髯怒嘯當門開萬綠  
陰中一雷起黃梅未到嵐氣濕何似饋餽出釜底怪蛇畫啼  
水雞叫電母窺人目光紫高城截破雲半天萬雉吞空磨其  
齒雨聲只在佛龕外屋後依然夕陽耳夕陽之東碧陰西雲  
耶水耶竟誰是非雲非水洶然來壓頂松濤萬飛矢眼前粉  
本君記取試向林梢一鋪紙一奴沽酒山下歸荷葉遮頭半  
身水

口占示積堂

屬君珍重苦吟身莫遣愁腸似轉輪文字權尊能造命妻孥  
累重始知貧名心早淡人難近綺語雖工事怕真記取畫眉  
圖十樣一枝湘管抵千緡

琴鳴作山樓看雨圖僕題其後頃閑泉過訪留宿山中  
作第二圖再題四絕句

乍晴天碾碧玻璃又聽蒼龍嘯隔溪祇少桓郎一枝笛踏雲  
吹上古城西

山扉有客不須迎畫到跳珠畫有聲日暮煮茶江閣裏安排  
高枕待潮生

海氣沈沈嵐氣深就中何物最關心寫雲寫到林梢轉留角  
平坡著綠陰

看雨山樓障渺茫又攜斗笠看雲忙看他一片糝糊意便得  
吹開已夕陽

賽濤曲 并序



養濤牽蘿小家采絲幼女問姓則天水羅衣比肩則昭陽燕  
子娣呼入月妹唱同庚二八瓜瓠十三豆蔻髻神掃黛炊母  
梳雲倚竈觚而喚儂汝語必雙聲偃香象而話暖寒煙多一  
氣爾乃燒燈節近打野場開買夜錢多討春市鬧賽濤則廣  
昔昔之鹽喚同同之鳥燭龍隊裏偕采伴以驚飛火珠林中  
並釵光而鬥艷豈知雕青宕子廝波少年翻火城爲離恨之  
天借月地作狹邪之路比至銅壺漏盡鳳鑰門開賽濤則已  
餌黑心之符挽拋家之髻雲生裙底花落溷中入秘辛之家  
去如脫兔寫零丁之帖翩若驚鴻而亦無如何也旣而女襲  
下玉鏡之臺公瑾顧紅牙之曲聳鄉戀久宦海游多縣入臨  
清坊尋文孝乍逢趙瑟便訝吳歛按惱公之拍何事關心聽

阿子之歌宛然鄉語靈犀宛轉雄兔迷離鶴背腰纏拚付都  
知之錄事虎賁貌似方疑見慣之故歡陌路煙花他鄉骨肉  
香桃分得原非彌子之妻鴛牒投來便費王郎之槩騎夢有  
還鄉之樂梯黃占歸妹之爻文姬當年原歸漢闕小姑今日  
亦嫁彭郎嗟乎素絲染後易生墨子之悲故劍遺時祇益張  
華之慨當日者使文豹無緣疎麻難託則伯勞飛燕竟絲淨  
萍橐碇安求疆環易斷詎得望姊歸之岸而唱夫憐之曲平  
可以哀其遇矣

趙家姊妹雙倭墮尹邢相對調笙坐纖纖月子兩頭彎周郎  
曲罷看梳裹紫薇花底一消魂小劫匆匆尚淚痕記得舊家  
江上水清平巷口鳳凰門阿姊如花年二十李波小妹傾城

色黃姑織女迥相望百斛明珠換不得銅街聯臂歌陽春遺  
鈿墮珥何紛紛金吾此時不禁夜但見飛鳥銜紅巾越女吳  
姬俱妒絕媚視煙行踏燈出就中小妹更嬋娟脂粉滿城誇  
第一喬師孃曲迥含愁火鳳高銜翠鑰收小隊杪擺羽衣序  
分棚傀儡鬼功毬美人流目難迴避偃子明童走連騎可憐  
歧路自提鞋生劫歸來沙叱利阿姊倉黃阿母悲釵厨讖語  
小琉璃誰從綠綠花花地更唱尋尋覓覓詞分桃瘦沈魂先  
斷網得西施藏別館萬里橋邊教伎樓姓名一日長安滿從  
此傷心向夜闌吳門賜自夢中盤已知筮篋無家別誰道舊  
蒲見面難彩鳳何年奮蹄翻除是青天爛白石門前又聽馬  
嘶驕坐中報有江南客客子能爲馬客吟一行作吏走駸駸

扶頭教勸桃仁酒纏倩親鬆柿子金舞罷錦裯迴翠袖背牀  
暗誦金輪咒慙媿心如黃蘗舍分明骨似飛龍瘦燈前細認  
鬱金裙郎自驚疑儂自聳夜半枕函羞問姓錢唐蘇小是鄉  
親玉郎但道家園好各自悲來不成笑始知網戶舊連枝鬢  
鬢夫壻方年少此際翻成骨肉緣通宵難遣有情禪乞將鶯  
牒三生字同上鴟夷萬里船歸去無言雲鬢暎阿姊迎門涕  
滂沱破鏡重緮宛轉繩閒房別啟葳蕤鎖瓠子秋風水不波  
曲江鶯囀更如何燕南趙北天涯感尙唱枕州水調歌

爲嚴蕙櫻題姬人張香修團扇

姬祁門人幼媵於無錫嵇相國家蕙櫻娶於嵇乃謀諸中閨  
而胖合焉初名秋月既來歸則更之爲香修蓋蕙櫻通禪悅

故取十六觀經戒香熏修之意云女君則又援蔡中郎名顧  
邕之例以己之字字之曰幼憐幼憐貌不踰中人而弱質婉  
嫵愛誦唐賢但見淚痕濕不知心恨誰之句問之則低鬢匿  
笑而已屠孝廉琴陽爲寫秋江載月圖而僕與竹樓繫之以

詩

碧海青天跨鳳回黃金跳脫玉交盃分明崇讓坊中見背著

餘香夜起來

李玉溪崇讓宅詩背燈獨共餘香語不覺猶歌  
夜起來按義山娶王茂元女茂元居崇讓坊此

詩若有所期當是茂元家侍兒無題詩豈  
知一夜秦樓客偷看吳王苑裏花可證也

戒香一炷火温麝葉葉銀荷照鬢痕解與女羅爲字說不知

誰是杜茶村

員巢民姬人蔡舍杜于皇謂與  
羅含同名字以女羅爲作字說

製將錦字贈鴛鴦我見猶憐况老狂直爲吳興添故事青絲

障後蔡中郎

紅紅好好總傷停  
桃槩初經柳暉汀  
纔得銀槎通一笑  
始知織女是張星

教得唐詩是曼聲  
芳姿憨態可憐生  
輕紈扇底織織月  
不許旁人喚小名

百斛難酬好句工  
釵聲敲徹玉玲瓏  
丁孃舊例無多索  
只索蕭郎畫放翁

送雲臺師入 觀二首

五年覲禮欵天關  
卿月分明照九寰  
公在始知寒士重  
政成惟覺吏人閒  
勒銘碧海鯨魚靜  
按部湖山羽葆殷  
願似廣陵三折水  
第三回向浙江邊

舊附龍門百尺枝，朱絃疏越媿彈絲。著書事大才誰及，戀闕  
情深出恐遲。蕭惠還朝仍御史，韋賢入相本經師。定應溫室  
前頭語，只許丁東玉漏知。

簡陳白雲進士

賦三首

繁霜摧庭柯，卉木凜以栗。天心本無他，殞物卽造物。故葉墜  
焱車，新條散雲傘。新故有代謝，慨焉念作述。輪扁處堂下，糟  
粕爲所黜。惟陳言務去，百語不得一。生意似萌芽，春風迸土  
出。

了了竹屋間，人影一燈永。謂影生於我，燈滅影亦屏。謂是燈  
所留，我去燈亦冷。燭理頗多歧，觀幻忽有省。讀書暢我情，譬  
以鏡寫影。燈明影自呈，鬚眉出修整。

東郭信葆真使人意也消弟子田無擇乃與溪工交稱道豈  
數當正容君不驕頎然見文王續續朱絃調魏侯厭古樂鄭  
衛鳴如蜩與君兩黃鵠乘風尋參寥

贈鄒坤屠孝廉僕也

孝廉有僕三十餘領下髣髴未有鬚攤飯白日覓飽睡跳梁  
黠鼠翻山厨自言識字辨六七竈觚朗誦先王書客來兩三  
供杵椀瘦宜作脂肥宜胸零丁苦恨記憶少往往買肉翻得  
魚炎天餒敗不隔宿青蠅散子蠶生蛆低頭不敢怨辛苦主  
人出門還扶輿主人無錢客坐歎五日一頓無花豬率然向  
我乞詩句我不善詈何能譽坤汝來前吾語汝李善詎非人  
奴歟



拂塵菴與小湖夜話

今夕是何夕愁多落葉多  
暗蟲喧月戶歸夢渡秋河  
雜黍三生約文章五噫歌  
青琴在懷抱張急莫蹉跎

落花辭

女嬌不禁瘦花嬌不禁摧  
蒼苔枉相惜狼藉踏青鞋  
莫怨風吹落風曾吹汝開

題郭丹叔

鳳

閉門却掃圖兼示令兄頻伽

貴家啄倉琅車溝深如槽  
司門兩鬱壘目送神爲勞  
主人敬謝客客來尻益高  
吾儕臥窮巷於世真背毛  
不識名刺字那論旌與旄  
何乃伯夷隘欲作干木逃  
今年從阿兄手弄西湖  
篙瞥然不我見去若鷹脫  
條見君爲長句翠墨翻秋  
濤有廬

繞修竹飽聽西風號雖爲飢鳳皇肯學養與饕阿兄所贈詩  
頰上添三毫體圓玉鹿盧字古金錯刀我近避才思獨滿不  
可練頗思鶴湖畔一葉浮輕舸破君卻埽例爲我刪蓬蒿

郭頻伽將歸魏塘餞別於屠孝廉

倬

之琴隴舊廬會者

十一人張明府

青選

蔣參軍

吳騎尉

陳進士

越陳

廣文

傳經

潘庶常

恭辰

胡學博

元泉

許孝廉

乃濟

蔣秀

才

明經

春沂

及大

三慶

有圖有序有詩僕適自海

昌至遂與斯集羈旅之辭致無詮次贈頻伽亦自贈也

二首

銅山非不高爐鞴不在手下士游人間黃金出衆口蒼生點  
畫初雨粟理亦有後來窮薄故豈坐識字咎臆填而索塗子

行焉能久子飲我當哥桃梗語土偶譬生儀狄前曾未造旨  
酒此時諸少年愁劇易老醜子胡不自廣髡且醉五斗落花  
無主人窮途無死友韓嬰頌齊桓客來獻九九坐着黃河清  
一杯爲君壽

好名非好事起衰周末可惜於期頭不及駿馬骨至今黃  
金臺胷中尙突兀悲風從西來元雲滄淒勃一驥嘶古原坐  
歎芳草歇之子學道人勿爲孕哀鬱但歸見妻孥餒歲煨楮  
柑萬事慎勿理百噓償一訥衆沫漂成川羣螢照奪月蒿蔓  
上高墻得意亦倉卒達人相視笑碧眼眴秋鶻尻輪與神車  
遐哉誦齊物

贈吳兼山歸廬山兼山尊甫官於楚殉於黔竇戰死也

當事僅以病聞故兼山久不得蔭將引例往河工

牂牁城外黯風塵萬口多傳死事臣百戰傳形應拜爵十年  
王粲尙依人欲將手版隨廉吏賸有頭銜號客民好祝宣房  
瓠子水桃花千點白鷗馴

陳曼生

鴻壽

爲趙雲門作華影樓圖屬題二首

夜牕無夢語蟲蟲照徹銀蟾又惱公但得一生和影住全家  
移向月明中

芳訊無緣託鹿由美人工笑不工愁年年盼斷闌干角蕨得  
人呼趙倚樓